

Nwàk nè Mantombi nè PITÀ à Còm

Tu njo nè Pità à còm nwàk ènə bùu zey nə, a də ya yi fisə fa krətèŋ wèŋ ntum bə ngə'ə sə bwìŋ sə fa wo də bùusə wo a dzəm bohòJisòs sə. Yi à sə cèp kùm mali bə nzak Ntirè nè Bèboŋ nə. Yi sə duk də məm̀və'nə Jisòs à lòkok mvwe' kpu, nə kak də yi nə bwì və ntsə'mòk, yà'a gùgè krətèŋ wèŋ ngòko ntum. Yi də mvə'nə yà'wèŋ riŋtse' ve'nə fana yà'wèŋ jihi nzòŋ ghà nè ngə' vèə, bùusə a yà'sə yumok sè yà' sə mùmsə wo. Wo riŋ sè' də numbu nè Jisòs kə yəəŋ jəja fana yà'wèŋ nè tse' lələk àwo.

¹ Còm nwàk nè'e mùu Pità nè mɛ ngà ntum Jisòs Krèst. Mù sə còm fa nwàk ènə bohòwèŋ bwe Nwì sè wèŋ nga'a ŋkùŋ lakmvum. Wèŋ sè wèŋ sam cu lóm̀vwe' nze Pòŋtòs, Gàlesiyà, Kàpàdosiyà, Èsiyà nə ye Bitiniyà. ² Tà Nwì ànə swèk nonşə wèŋ nga yi dzəm kok gù sə vèə yi də wèŋ nə ye bùu ye. Anə gèŋ, yi gù rəŋşə wèŋ bə yòŋşə ye də ya wèŋ nə sə yuk duk Jisòs Krèst fana nduəm ye cùk rəŋşə wèŋ. Nwii gu wèŋ bèboŋ, nə fa wèŋ fifi wùriŋ.

Lùŋ Nè Krətèŋ Wèŋ

³ Vesùwèŋ kwasə Nwì nè yi Nwì, nə ye tè'è Jisòs Krèst, bùusə yi à tse' koksəmanziŋ ye cèbùə, nə gu ves a tse' dzədzə nè fi nə. Yi fa ves nà' bə mandzə nè də yi à lòkoksə Jisòs Krèst mvwe'

kpɔ. Yè'sə zɛŋ sɛ̀ yà'a gùgè ves ŋkuŋ vès sɛ̀ naaŋ tu də vesùwèeŋ nè kə̀ lù sɛ̀'. ⁴ Yà'a njo nè vès sɛ̀ kùk gèsə̀ lòlis mantombi sɛ̀' də vèes nè kə̀ tse' bum wùriŋ sɛ̀ Nwì a nònɔsə̀ fa bɛ̀u ye. Yi sɛ̀ nònɔsə̀ fa wɛ̀ŋ yà' mɛ̀bu mwwe' sɛ̀ kaco yà' bi yeŋ. Yà'a nè kà bɛ̀p, nè kà sɛ̀' rɛ̀ŋ. ⁵ Bum yè'sə̀ sɛ̀ yàwèŋ. Wèŋ sɛ̀ Nwì a nònɔsə̀ wɛ̀ŋ bə̀ ɲàaŋ ye bə̀bɔŋ bɛ̀usɛ̀ wèŋ a dzəmtse' bohòyi. Yi nònɔsə̀ wɛ̀ŋ də wèeŋ nè kə̀ tse' lùŋ nè nà' cu də nà'a nè yəəŋ ghà nè nzeŋgònə̀ mèe. ⁶ Wèeŋ kwa bə̀ bum sɛ̀ Nwì sɛ̀ gù fa wɛ̀ŋ yè'sə̀ kwa, a ye-a sɛ̀ də wèeŋ nè ye gesə̀ nsàap ŋgə̀' zok zok mɛ̀mvək moòmjo na. ⁷ Nsàap ŋgə̀' yè'sə̀ sɛ̀ vè bohòwèŋ ŋgòmùmsə̀ ja'a wɛ̀ŋ də wèŋ sɛ̀ fa ntɔm awèŋ bohòNwì zinə̀ àlɛ. A duk-a nsàp nteŋ nè wo togè nà' də guù nà'a. Bwì sɛ̀ teŋ yà' sɛ̀ misə̀ ya ŋga ma nè bə̀bɔŋ nè cum fo'. Yà' mègù sɛ̀' vɛ'nə̀ bə̀ ntɔm awèŋ nè nà' gɛ̀ nteŋ nè casə̀ nteŋ guù nè. Wo tse' ŋgòmùmsə̀ nà' sɛ̀' ya nà'a cum mali fo' sɛ̀' gɛ̀gɛ̀ŋ. A vɛ'nə̀ ya nùmbu nè Jisòs Krɛst nè bwì vè sɛ̀ nzeŋgòŋ fɛ̀eŋ wo kwasə̀ wɛ̀ŋ, nè fa wɛ̀ŋ ŋguk. ⁸ Wèŋ ka-a Jisòs Krɛst nè bə̀ lis sɛ̀ ye yuk, wèŋ sɛ̀ dzə̀m malì yi. Nè ŋga'a wèŋ ka yi sɛ̀' ye, wèŋ sɛ̀ naaŋ mali tu bohòyi fana wèŋ sɛ̀ kwa wù kà fùk. ⁹ Bɛ̀u yà? Bɛ̀sɛ̀ wèŋ sɛ̀ tse' swe'e yusə̀ wèŋ à sɛ̀ fa ntɔm fo' sɛ̀. Swe'e sɛ̀ lùŋ nè nà'a nè kà mè.

¹⁰ À mègù sɛ̀' lù nè nà'a nè kà mè ènə̀ nè ŋgàa tsòhòbum Nwì wèŋ à làp, nè kùk ca bə̀bɔŋ ŋgòri tse' nà'. Ngàa tsòhòbum Nwì sɛ̀ wèŋ ànə̀ tsok nònɔsə̀ nsàp bònəm nè Nwìi nè niŋ fa wɛ̀ŋ ènə̀ taŋntèŋ. ¹¹ Yònɔsə̀ Jisòs Krɛest nè nà' à ye sɛ̀ ntɛ̀

wo à sə tsòho fa wo bə nsàp ɲɔ' nè Krɛst nè kə yə, nə ye nsàp fònè yi nə tse' bwi nà' maŋkwɛŋ. Wo à sə ləp sè' ɲgòrì mvək nè bum yè'sə nè ye, nə ye də yà'a nè ye valɛ. ¹² Anə gɛŋ, Nwì niŋ tsok fa wo duk də ntirè ènə ka nè ɲjàwo yɛŋ. Yi niŋ tsok fa wo də, tse' ntirè ànə wɛŋ. Nə ye də bùu sè wo tsòhogè Ntirè nè Bèboŋ nə a tsè' wɛŋ yà' ɲga'a sè'. Yòŋsè nè Rərəŋ nè nà' ànə tsoon ɲmabu nə à fa wo ɲàŋ ɲgòcɛp càsə ncɛp ànə. Masinjàa Nwì wɛŋ sə dzəm ɲgòrì yà' yàwo sè'.

Wèɛŋ Ye Bùu Sè Rərəŋ

¹³ Ye də mvəsè Nwì a niŋtsè' fa wɛŋ nsàp bònəm nje nè nà' yam wùriŋ ènə fana wèɛŋ jəŋ ɲkərè, nə ko ni' awèŋ ya wèɛŋ naaŋ megu tu awèŋ bə bum sè wèɛŋ nè kə tse' yà' wɛŋ sə. Yà'a nè kə ye yàwèŋ nùmbu nè Jisos Krɛst nè kə yəəŋ fe'lə sèmok nə. ¹⁴ Wèɛŋ yùgè bum sè Nwì dzəmɲgè duk də wèɛŋ gu yà'. Wèɛŋ kà də wèɛŋ gu fe'lə bum sè yà' à sə bòto wɛŋ taan ɲga wèŋ ka Ntirè nè Bèboŋ nə ntòrì yà'a mok duk. ¹⁵ Nwì nè yi a to wɛŋ ɲgòye bùu ye nə, yi rərəŋ fana wèŋ tse' ɲgòye bə mandzəə awèŋ pwe' rərəŋ sè' co yi nə. ¹⁶ Yà'sə mègù sè' yəyərè mvəsè wo ànə com nonəsə lo ndzənə ɲwàk Nwì mantombì duk də,
<<Ye bə mandzəə yo pwe' rərəŋ bùusè ɲu yàm sè' rərəŋ.>>

¹⁷ Mvè'nè wèŋ sə lɛŋ Nwì, wèŋ sə to yi də Tè'. Tè' àwèŋ Nwì nə sakgè ndàaŋwè pwe' yəyərè bə yusè ɲgèŋgàŋ gùu, fana a bèboŋ də wèɛŋ niŋtsok fa yi wəwəp, nə cum ncu nè bèboŋ

nga'a nè wèŋ cu co ŋkùìŋ sə nzenɡòŋ fən.
¹⁸ Wèŋ rì duk də ghà nè Nwì ànə fis ɡesə weŋ
 mvwe' nsàap bum lak sè wà, sè tè' awèŋ ànə ni
 tsok weŋ, yi à ka weŋ bə mbàm nè nà'a nè cà
 wà nè'e ywiŋ. ¹⁹ Yi à ywiŋ weŋ bə nduəm Jisòs
 sè yà' ɡu nteŋ ve'ε wù kà fùk. Yà' ànə ye co wo
 à jə nsùŋga nè nà' à ka yu səmok sè bəp mu
 ni'ì yi tse', nə sʉə nà', nə jə və fa Nwì co yu cop.
²⁰ Ŋkuŋ Nwì à sə kə gù nzenɡònə nga yi ànə cok
 noŋsə Krest laŋ də yi nə kə tesə ves. Nè nga'a
 nè'e, yi nì fa-a nə ves Krest nə. ²¹ Vesùwèŋ tse'
 mandzə ŋgònaaŋ tu bohòNwì yè'sə bùu Krest
 nə. Bùsə Nwì ànə lokoksə yi mvwe' kpɹ, nə
 kuksə yi wùriŋ. A bùsə Nwì ànə ɡu ve'nə ŋkuŋ
 vesùwèŋ tse' mandzə nè ŋgòfa ntəm bohòyi, nə
 sə kək ɡesə lis bohòyi sè'. ²² Wèŋ a reŋsə tsə'rə
 ni' awèŋ bə mandzə nè də wèŋ sə be' zìnə nə
 fana yà'a gù də wèŋ sə dzəm bwema awèŋ bə
 mandzə nè zìnə nə. Ye də ncèp njàm nè mù sə
 cep fa wèŋ duk də, wèŋ dzəm mòk bə mòk, nə
 lo mantombì. ²³ Sə tsərə tse' də wo a dzə fe'lə
 weŋ nè kè' ba. Dzədzə ènə à vè bùu nàaŋ ncèp
 ye nè nà' tse' lùŋ nə. Nsàp lù ènə, nà'a kà mègə
 nə kà sə kupsə yuk. ²⁴ Yè'sə mègù mvəsə wo à
 còm nòŋsə ndzənə ŋwàk Nwì duk də,

<<Bwìŋ pwe' gù co ŋgaŋ sè yà'a kpɹgè yè'e.

Nzùum awo sè wo sə fom mègù co nzàamŋgaŋ
 sè ghàr ve'ε yà' kpɹ nə ye' ɡbɹ yè'e.>>

²⁵ Fana bohòncèp nè Tà Nwì nə ye, nà'a cu
 maligè ye fo'. Nè'e zeŋ, ncèp Ntirè nè Bèboŋ nè
 wo à tsòho fa weŋ nə.

2

Tà Nwì A Cokfis Nònşə Wəŋ NgòYe Bùu Ye

¹ Mvè'nè wèŋ rì də bum yè'sə vɛ'nə fana ncu awèŋ nè wèŋ cu, kà bup tse' fe'lè. Kà ngòn mok lim fe'lè, nè kà bum cù ba sə cèp. Kà yu ŋwè nəmòk wa, nè kà liŋ ŋwè bupsè. ² Wèèŋ bwe Nwì sè wo a dzə wəŋ fi. Wèèŋ waŋ njè nsàp mbwi nè bəboŋ nè nà'a ze'səgè yòŋsè nè. Mbwi nè nà' tse' ŋgòkùksə wù tè wù gɔŋ lo mvwe' lùŋ. ³ Bəsè wèŋ à yu'rə ja'a bəbo nè Tà Jisòs, nè riŋ də nà'a bòcèbùè laŋ. ⁴ Wèèŋ sooŋ kɛəp və bohòyi nè yi lis kùmndap. Bwì à də yi ka fàk tse'. Nə ye də Nwì a swe' fis yi də yi tse' fàk wùriŋ. ⁵ Wèŋ sè wèŋ a tse' lùŋ nè laŋ fana, bòdə wèèŋ ye co liis sè aco wo ci ndap Nwì bə zəŋ. Wèèŋ ye sè' co ŋgàa fa satikà' nè sə fa Nwì nsàp satikà' nè nà'a rərəŋ nè yi nè ko jəŋ nà'. Yi dzəm nà' bùu fàha sè Jisòs Krest. ⁶ Yèè! Yà' cu ndzənə ŋwàk Nwì sè' də,

<<Mù sə nònşə lis mòk nè bəboŋ
Mvwe' ntəm lak àm nè wo togè fo' də Zayòŋ.
Nà'a lis tò'ndap nè mɛ nè ci ndap àm mbwa.
Lis ènə, mù a cokfis yi, nè yi tse' fàk wùriŋ.
Ndàaŋwè pwe' nè yi naaŋ na tu bohòlis ènə,
Ŋgəŋgàaŋ nè kà wà kè màhà.>>

⁷ Yusə duk də, lis ènə tse' fàk wùriŋ bohòwèŋ sè wèŋ naaŋ tu bohòyi. Nə ye də bohòbòp bù nè wo ka tu bohòyi naaŋ, fana riŋ də,
<<Lis nè ŋgàa bom ndap wèŋ à dzèèŋ mà' nà'
də nà'a bup nè,

Nà' kè tse' gha' fe'lə fàk sè' yi nə.>>

⁸ Yu səmók cu mali bə līs ènə ndzənə ɲwàk Nwì sè' ɲkuŋ. Yu sə duk də,

<<Bwiinj nè lə'rə mbwa, nə gbɛ.>>

Njo nè bwì nə gbɛ vɛ'nə nə, a bùusè wo a ka yusè Nwì a cèp yuŋ. Nwì ànə fəhɛ nonʂə me mantombì də yà'a nə gbɛ vɛ'nə.

⁹ Nə ye də wèŋ yàwèŋ bùɛ sè Nwì à cok fis nònʂə wèŋ yi. Wèŋ yàwèŋ bòp bù ɲgàa fa satikà' sè mɛ nto' Nwì. Wèŋ ɲgwì bù Nwì. Wèŋ nsàp bù nè zok. Yi a to fis jə wèŋ də ya wèŋ kwasə liŋ ye, nə niŋ fa fàak ye bohòbwì. Busè yi à fis gɛsə wèŋ mɛwɛ' ndzəm, nə jəŋ lo wèŋ mɛwɛ' nsàp marɛŋ nè co ɲwè kà cèp to.

¹⁰ Wèŋ à ka mantombì bòp lak bwì bə tu awèŋ yeŋ. Nè ɲga'a nè'e wèŋ mok bòp lak nè Nwì. Wèŋ à ye bùɛ sè Nwì a sə kà manziŋ bohòwèŋ koksègè. Nè ɲga'a nè'e Nwì sə koksə manziŋ bohòwèŋ.

Bùɛ Nwì Wəp Bù ɲkəŋkum Sè Sə Nzeŋgòŋ

¹¹ ɲge' am wèŋ, wèŋ riŋ tse' duk də wèŋ ɲkùŋ. Nzeŋgòŋ nè'e ka mɛwɛ' ncu m awèŋ yeŋ. Ye də bòco wèŋ kà ni' awèŋ bum sè yà' sə dzəm yà' yà'a fa, bùusè yà' sə mà' dzè' bə yònʂəə àwèŋ sə. ¹² Mvə'nə wèŋ cu mʉtsətsə'rə bùɛ sè wo ka Nwì riŋ fana wèŋ cum ncu nè bəbɔŋ. Wèŋ cum vɛ'nə ya ɲga wo duk-a də wèŋ sə gù bəp fana, wo ye bəbo awèŋ nè wèŋ sə gù, wo kuksə Nwì numbu nè yi nə və. ¹³ Wəp ɲkwàha bùɛ sè wo a co' nònʂə wo də wo sə sak bwìŋ bùusè Tà Jisos Krest sə dzəm vɛ'nə. Wèŋ yuk ɲkum nè

ghan nè yi gha' mok pwe' nè yi cu mvwe' lak Rumà. ¹⁴ Nə yuk govə̀nò sè wo a nò̀nsə yà'wè̀n də wo yènsə ɲgàa gù bup wè̀n ɲgə', nə kwasə ɲgàa gù bə̀boŋ wè̀n yà'a, wəp wo sè'. ¹⁵ Busè Nwì sə dzəm duk də wè̀n lok cùu ɲgàa ləm sè wo ka yumok riŋ bə fàha awè̀n sè bə̀boŋ. ¹⁶ Wè̀n cum-a mok co bùu sè yumok ka wo ko kiŋ tse'. Kà də wè̀n jəŋ nsàp ncu awè̀n ènə ɲgògù bup bə zeŋ duk. Ncu àwè̀n nè wè̀n cu nə nà'a ye də wè̀n ɲkwè̀n bohòNwì. ¹⁷ Wè̀n wəp ndàaŋwè lònŋ fo', nə dzəm bwema sè wo à dzəm Jisòs. Wè̀n wəp Nwì nə ye ɲkum nè yi gha' mok wè̀n nè mvwe' lak Rumà nə sè'.

*Ko Ntəm Bə ɲgə'
Nə Wù Yə Jìŋjo Co Krest*

¹⁸ Wè̀n sè wè̀n sə fàk bohòbùu mok, wè̀n jəŋ ni' awè̀n sə nze bohòwo. Wè̀n yuk duk awo sè'. Wè̀n gu ve'nə bohòwo sè wo tse' ntəm sè bə̀boŋ nə ye sè wo bup ntəm wè̀n pwe'. ¹⁹ Yi fa-a wu ɲgə' ɲgwàŋ ɲga wù ka yumok bupsə, fana wù ko ntəm yò, bùusè wù rì də Nwì dzəmgè nsàp ɲwè ànə, fana Nwì nə kwa bohòwù. ²⁰ A ye-a ɲga wo ləp ɲwè də yi gù bup ɲga yi gù nà' laŋ nè zinə fana yi sə ko ntəm, ye də yi ka yà'sə yumok gu, bùusè yi sə yə ɲgə' bùu yusə yi rì yà' laŋ. Nə ye də ɲwè nè yi ka yumok bupsə, wo yènsə yi ɲgə' wà fana Nwì nə dzəm fa yi də ɲ, yi gù kəkərè. ²¹ Nà'a njo nè Nwì à cok fis nò̀nsə wu ɲgòko ntəm ve'nə. Busè Krest bə tu ye à yə ɲgə' bùu wè̀n, nə niŋ nò̀nsə lo fa wen də ya wè̀n gi yuŋ mvwe' kùu ye sə. ²² Yi à ka bup nè mò'fis gu

yuk. Nwè kà ntsə'mòk nga limngòn tesə tsə kè cùhu yi sè' yuk yuk. ²³ Ghà nè wo à sə yà' yi, yi à ka yà'wèŋ yak fəsə. Wo à yeŋsə yi ngə', yi kà də yi nə gɥ yà'wèŋ bɥp sè' duk. Yi à mè'rə fa gù ni' ye ndzə bohòNwì nè yi sakgè nzak bə zìnə. ²⁴ Krest bə tu ye à bək kok lòbɥp avès muntəŋ ndzə ni' yi, nə kɥ bə zeŋ. Yi à gù vɛ'nə ya vesùwèŋ ye mok co bɥ sè wo kɥ mè'rə bɥp laŋ, nə cum mok ncu nè rərəŋ. Wèŋ à lù bɥ mvwe' ye sè yi à ko. ²⁵ Wèŋ ànə ye co nsùŋgaŋ sè wo à jam mandzə. Nè nga'a nè'e wèŋ a foho vè ngòyù ganakù' nə nè yi ngà nòŋsə yòŋsə awèŋ.

3

Ncu Ngwe Bə Ndu

¹ Bohòma njàwèŋ yep bwìŋ, wèŋ tse' ngòjəŋ ni' awèŋ sə nze bohòndum awèŋ. A ye vɛ'nə ya ndum mok ye-a sè wo ka ncèp Nwì ntòdzəm, wo nə bɥŋ nga ngwe nə ka yumok ntòcɛp lok. ² Busè wo yə ncu àwèŋ nè nà'a rərəŋ bə wəwəp nè bəbɔŋ nə. ³ Kà də wèŋ fɥhɥ megu ni' awèŋ ngòyəŋ bəbɔŋ bə nsàp mandzə nè ngòba' tu, kè nisə ntiim nteŋ sè yà' sə bà'a bà'a bə cək wèŋ duk. ⁴ Bòlɛ də wèŋ fɥhɥ ntuum awèŋ. A ye-a nga wu fùè, nə sə ko ni', nà'a nsàp fəfɥhɥ nè bəbɔŋ. Nsàp nè ngòye vɛ'nə ènə, Nwì dzəm nà' wùriŋ. ⁵ Yà'a mvè'nè bàa sè wo à sə yùgè mandzə Nwì nə sə naaŋ tu bohòyi luum mok wèŋ à sə fɥhɥ ni' awo vɛ'nə, nə sə yuk ndum awo wèŋ. ⁶ Sàra ànə ye nsàp ŋwà nà'nə mòk. Yi à sə yukgè ndu ye Abràham, nə sə to nà' duk də,

<<Masà àm.>> Wèeη yà'sə ηga'a mok bwe Sàra ηga wèη sə gù bèboη, nə kà yumok sə wəp na.
⁷ Mègù sè' vε'nə bohòwèη mbəmbam də mvəsè wèη cu bə yep awèη, riηtse' də yi ka ηàη co wù tse'. Wèeη kotse' wo bèboη. Njo nə də wo nè kè tse' lùη nè Nwii nè kè fa bwì nə yàwo sè', wenə wèη bəbε'. Wèeη gə məm̀vè' ànə ya wèeη gù piriya fana yumok kà nà' bupsè.

Ye Ngə' Njo Gù Bòη

⁸ Ncèp àm nè ηgòlèsə bə zeη, a duk də wèη pwe' tse' sè' nsàp ntəm nè mò'fis. Bwema sè wə à dzəm bohòJisòs pwe', wèeη dzəm wo. Wèeη tse' koksəmanziη, nə tse' ntəm nè fəfwèη, nə jəη ni' awèη sə nze bohòmòk bə mòk. ⁹ A ye-a ηga ηwè nəmòk gu-a weη bup, wèη kà yi bup sè' gù fəsè fa. A ye-a sè' duk də ηwè nəmòk yà' weη, wèη kà yi sè' yàk fəsè. Duk fa nsàp ηwè ànə lε duk də, <<Nwii tesə wu.>> Busè Nwì a to weη, nə kak ηgòsè weη. ¹⁰ Yà' cu ndzənə ηwàk Nwì duk də,

<<A ye-a ηga ηwè nəmòk dzəm-a duk də yi cum ncu nè bèboη nə bə kwəkwa,

Fana yi kà cùu sè bup tse'.

Yi kà mvwès sə cì'.

¹¹ Yi tse' ηgòbàunη mè'rə mandzè gù bup,

Nə yuη mandzè nè ηgògù bèboη.

Yi lap fifi bə ntəm ye pwe'fo' zìnə.

¹² Wèη rì də Tà Nwii kàk tesgè lis bohòbàun sè wo kəkurè,

Nə sə yuk yusè wo sə lεη bohòyi,

Fana Yi sə beη bà ηgàa gù bup wèη.>>

13 A ye-a duk dè wèŋ sà lèp mandzè nè ɲògù bèbòŋ bə zìnə àwèŋ pwe'fo' fana ye dè aco ɲwè nè yì gu wèŋ bup ye yè'sə ndà? 14 A ye-a nè dè wèŋ sà yə ɲgə' njo nè wèŋ gù bèbòŋ fana wèŋ sà kwa bə zèŋ kwa. Bə yà'sə lònŋ, kà dè bwìŋ wəpsə wèŋ duk, nè kà ntum awèŋ ɲgə' sà fa. 15 Wèŋ fa megu ntum awèŋ bohòKrest dè yì mègù Tà sà ntum wèŋ yì. Sə fuhə ghà yà lònŋ nè wù cu ɲgòtsə' fəsə fa ɲwè nè yì fek-a wèŋ njo nè wèŋ sə naaŋ tu bohòJisòs na. 16 Wèŋ cu ɲgòtsə' fa yì, wèŋ ye fàè, nè sə niŋ wəwəp sè'. Wèŋ nonʂə ntum awèŋ rərəŋ ya ɲga marè'tu nè ko bùu sè wo sə yàk wèŋ ɲga wo yə dè ncu awèŋ bèbòŋ co bùu sè wo sə yù mandzè Jisòs Krest. 17 Busə ɲga Nwì dzəm-a dè wèŋ ye ɲgə' fana yà' bəŋ ghak dè wèŋ ye ɲgə' ɲga wèŋ gù bèbòŋ, nè nonʂə ɲgòye ɲgə' njo nè wèŋ gù bup. 18 Jisòs Krest bə tu ye ànə ye ɲgə', nè kpə bùu bup avès nè mvèsè. Yì nè yì ɲwè nè rərəŋ à yə ɲgə' bùu tu bùu sè wo ka rərəŋ yeŋ, ya yì jəŋ və wèŋ bohòNwì. Wo ànə zə yì bə ɲgùpni', fana yì lokok fe'lə bə yòŋsə. 19 Yì ànə kpə, yòŋsə ye nè lo kə ye yòŋsəə bùu sè wo à kpə mantombì, nè tsoho fa yà'wèŋ ncèp nè Nwì. Ye'e yòŋsəə sè Nwì ànə ko lok nonʂə wo fo'. 20 A bùu sè wo ànə guŋtu bohòNwì. Wo ànə guŋtu bohòNwì ghà nè Nuà ànə sə gu ɲgwes. Nwì ànə ko ntum dè ya yà'wèŋ buŋ fana yà' cà wà. Anə luŋ megu mɔ ndzəpə anə bwì fwame', wo sè wo ànə ni ɲgwes nè. 21 Ndzəp nè wo ànə ca ca nè, ànə ye co a bàpte. Nà' à sə ni tsə' gèsə lòmantombì bə ndzəp bàpte nè nà'a figè wèŋ mvwe' bup

awèŋ njo nè Jisòs Krèst ànə lokok mvwe' kpə nà'a. Nà' ka yusəmok bə ŋgòcù fis fa ŋwè ndom sè mɛ ŋgùpni' tse'. Nà'a nsàp yumok nè vèes jəgè nà' ŋgòbùŋ vè bohòNwì, nə lɛŋ yi də yi cuk rɛŋsə fa ves ntum avès. ²² Krèest à lòmɛbu, yi cu mbwa bo ma mà'a Nwì. Yi ŋwè nè ghaŋ bohòmasinjaa Nwì bə yà lònŋ sè yà' tse' nàŋ wèŋ yi.

4

Ncu Ngà Rì Nwì

¹ A rì də Jisòs Krèst ànə ye ŋgə' bə ŋgùpni'. Ye də wèŋ fùhɛ ŋgòyə ŋgə' bə ŋgùpni' sè' mvè'nè yi ànə ye ya wèŋ ye gùgɛŋ. Busè ndàaŋwè pwe' nè yi à yə-a ŋgə' bə ŋgùpni' ye fana ye də yi a gà'a bə ntum nè ŋgògù bɛp laŋ. ² Ye jəŋ ŋga'a nə lo mantombì, ncu ye sə nzeŋgòn fɛɛŋ nə ye ŋgòyù bum sè Nwì dzəm vɛ'nə. Yi nə kà yusè ŋwè sə dzəm yi yù. ³ Wèŋ a càsə mvək wùriŋ ŋga wèŋ sə gùhɛ bum sè bùu sè wo ka Nwì rì dzəmgè ŋgògù. A nə ye mantombì, wèŋ à sə gùgè bɛp, nə kà lis maŋkwèŋ kùk. Wèŋ à sə ko sàhà mvè'nè yà' bòwèŋ, nə kà taŋsè. Wèŋ à sə jùhɛ rùk, nə sə rooŋ ni', nə sə binə no kɛ' rùk. Wèŋ à sə kùksə bum sè wà co Nwì, nə sə kùksə bə nsàp mandzè nè bɛp. ⁴ Nə ye də nè ŋga'a nè'e, wèŋ sə kà mok wenə wèŋ mok be'lè fe'lè, wèŋ sə kà nsàp bɛp nè lələ nà'nə mok gù fe'lè. Wo sə mərə fana nà'a njo nè wo sə yak wèŋ. ⁵ Yusə duk də mvək sə vèə nè nsàap bùu yà'sə nə kə sak nzak bohòNwì. Wo nè sak mvəsè wo à cu ncu àwo sə nzeŋgòn fɛn. Nwii nə sak bùu

sè wo cu ñwəm bə sè wo à kpɔ laŋ wèn pwe'.
 6 Nè'e njo nè wo ànə kə tsoho fa bù kpəkɔ wèn
 Ntirè nè Bèboŋ nə də ya wo tse' nsàp lùŋ nè Nwì,
 nè nà'a ndzənə yòŋsè nè. Nwì ànə sak me wo
 ghà nè wo ànə ye ñwəm sè' laŋ mvəsè wo sakgè
 ndàaŋwè lònŋ.

Kùugù YòCo Krètèn

7 Nzenŋòŋ nə kɔəp ñgòmè laŋ. Ye də wèeŋ
 fuhɔ, nə jəŋ ñkərè ya wèeŋ nə riŋ mvəsè ñgòlɛŋ
 pìriyà. 8 Yusè yà' yam casə pwe'fo' duk də wèeŋ
 sə dzəm mòk bə mòk bə ntəm awèŋ pwe'fo'.
 Busè ñwèe dzəm-a ñwè, dzədzəm nà'nə gɔ yi, yi
 kà bɔp nè mòk nə sə gùɔ yə. 9 Noŋsə nciu awèŋ
 to bohòndaŋwè lònŋ. Wèeŋ gɔ vɛ'nə, wèŋ kà
 bə zɛŋ sə cèp ñwəm kɛ'cà. 10 Nwì a fa ndàaŋwè
 pwe' ñkərè ñgògù bum bə nsàap mandzè zəzok.
 Ye də ndàaŋwè pwe' kotse' nsàp mandzè ñkərè
 nè nje bèboŋ. Yi nə sə fak bə zɛŋ mvəsè co nà'
 tɛsə bùɔ səmok wèn sè'. 11 Nwè nè aco yi cɛp
 riŋ yusəmok, fana yi sə tsoho megu co Nwì nə
 sə cèp yi bə tu ye. Ye sè' də ñwè nè aco yi tɛsə
 ñwè fana yi tɛsə nà' bə ñàaŋ sè Nwì a fa yi yà'
 yi. Yi gɔ vɛ'nə ya bwìiŋ yə, wo kuksə liŋ sè Nwì
 bùɔ Jisòs Krɛst. Nàaŋ yee sè ye fana bwìiŋ kuksə
 yi mvèsè nè mvèsè. Yà'a ye vɛ'nə.

Ngə' Nè NgòYə Nà' Busè Də Wu Krètèn

12 Nge' am wèn, məmumsə sè yà' gɔ wùriŋ
 sə vè bohòwèn. Wèeŋ kà də wèeŋ mərə kɛ'cà
 bə zɛŋ co a nsàp yu nè wèn nə ka riŋ duk.
 13 Wèeŋ kwa lələ kwa duk də ñgə' nè Jisòs Krɛst
 à yə, wɛŋnə wèn sə yə nà' bəbɛ'. Ye də kwəkwa

awèen nə yam casə yà pwe' nùmbu nè wo nè yə fòye sè yi tse' sə jəja. ¹⁴ A rən̄si bohòwèn̄ nga bwì sə ya'rə kɛ'cà-a wən̄ də bùusè wèn̄ sə bɛ' mandzè Jisòs Krɛst na. Yà'sə sə nì tsè' duk də Yònsè nè Nwì m̄ tuhù wèn̄. Yi nè yi man̄gəŋgèn̄ nə. ¹⁵ A ye-a nga ɲwè nəmòk sə yə ɲgə' fana kà də yi ye ɲgə' bùusè də yi ɲgà zə bwìŋ kè ɲgà yè kè ɲgà gù bup àɛ ye. ɲwèe kà ɲgə' bùusè də yi sə gbù ni kɛ'cà sənə bum bwìŋ wèn̄ wàwà sè' yə. ¹⁶ Fana a ye-a nga ɲwè yə ɲgə' də bùusè yi krətèn̄ fana yi kà də yi koksə marè'tu duk. Yi kwasə Nwì bùusè wo sə jə yi co ɲwəə Krɛst. ¹⁷ Yusə duk də, mvək kùrə laŋ nè ɲgòkè sak yèto nzak bohòbùu Nwì wèn̄. Nə yeè nə də a ye-a nga bum sè vesùwèn̄ rì yà' ɲga'a yè'e mègù yà'sə ntòyèyèto, fana yà'a nə kə ye wesə yè'sə nsàp nè fòbohòbùu sè wo à bèn̄ Ntirè nè Bèbon̄ nè Nwì nə ɛ? ¹⁸ Mvəsè ɲwàk Nwì nə sə cèp duk də, <<A gugan̄ ɲkuŋ bùu sè wo kəkùrəə nə tesə də wo ka nzak bohòNwì gb̄.

A ye-a vɛ'nə, ye də yà'a nə gūŋ wesə yè'sə nsàp nè fò

bohòbùu sè wo kà Nwì wəpgè yà'a nɛ?>>

¹⁹ Bùu sè wo sə yə ɲgə' bùusè Nwì duk vɛ'nə yi fana wo sə gū mali bèbon̄, nə fa ni' awo pwe' ndzə bohòNwì nè nà' à gù wo. Yi Nwì nè yi gùgè yusè yi kak də yi nə gū pwe'.

5

Ntip Nè Bohòŋkwàha Bùu Sè M̄ Cos

¹ M̄ tse' muncèp mòk nè m̄ dzəm ɲgòtsè' fa nà' bohòwèn̄ bùu sè wèn̄ ɲkwàha bwìŋ m̄

coos. Mɔ yàm sè' ɲwè nè mantombi. Mù ànə ye mvəsè Krɛst à yə ɲgə' bə lis am. Mɔ nə kə ye mòk nè ɲgòtse' kəkukəsè ye ma mòk nùmbu nè yi vèə. Nà'a njo nè mù sə lɛɲ wɛɲ də, ²Jəɲ ɲkərə bə bùu Nwì sè yi a fa ndzə bohòwèɲ yà'a bəboɲ. Sə kək wo mvəsè ganakùu' kəkɲgè nàam ye. Kà də wèɲ kək wo co a bə nza' ɲàɲ dək, wèɲ kək wo lɛ bùusè də wèɲ tse' ntum nè kwəkwa ɲgòkək wo. Kà də wèɲ noɲsə to mantombi mbàam sè wo nə lak wɛɲ fo' dək. Wèɲ fak bə ntum nè rərəɲ. ³Kà də wèɲ niɲ tsok fa bùu sè Nwì a fa ndzə bohòwèɲ sə ɲàɲ dək. Gù bum lələ bə nsàp mandzè nè co ɲga bwì pwe' yə-a, wo nə dzəm ɲgòbɛ' lònəsàp nà'nə. ⁴Ya nùmbu nè Jisòs Krɛst nè yi ɲkum ganakù' bwìɲ pwe' nə tesə vè jəja fana yi nə fa wɛɲ lələ' nè nà'a kà bɔpɲgè. A yà'a də yi nə gu wèɲ yəə bə fò.

Ntip Nè BohòKrətèɲ Sə Wèɲ

⁵Bohòwèɲ wàhabwìɲ, yà' mègù sè' vɛ'nə də wèɲ wəp bù ɲkwàha bwìɲ wèɲ. Wèɲ pwe' sə wəp mòk bə mòk, nə sə jəɲ ni' awèɲ sə nze, nə ye gugɲ ɲgòfək bohòmòk bə mòk, bùusè yà' cu ndzənə ɲwàk Nwì dək də,
<<Nwìi bèɲgè bùu sè wo nègè ni',

Nə sə se sè wo jəgè ni' awo sə nze.>>

⁶Ye də wèɲ jəɲ ni' awèɲ sə nze bohòNwì, yi nè yi tse' ɲàɲ, ya mvək nè ɲje nə kərə fana yi fis kok wɛɲ mɛtsè. ⁷Me'rə fa yu yà pwe' sè yà' sə gha' wɛɲ ndzə bohòyi bùusè yi sə tsərə wɛɲ. ⁸Jəɲ ɲkərə, nə muk noɲsə lis awèɲ to, nə sə kək, bùusè ɲkum ze', yi ɲwè nè wenə wèɲ cu bə dzè'

nə sə gi kɛ'ca. Yi sə gi kɛ'ca co gwim nè yi sə wa ləp ŋwə nè co yi ko zə nà'. ⁹ Təəŋ gʊgʊŋ co yi kà wɛŋ gha', nə sə fa mali ntum awèŋ bohòNwì. Sə riŋ tse' duk də bwe tɛ'ɛ yo sə wo krətèŋ pwe' sə yə ŋgə' sè' mʊmʊvè'nè wèŋ sə yə yà'sə sənə nzenɡònə ma fòlòŋ.

¹⁰ A ye ŋga wèŋ yə ŋgə' ghàr, fana Nwii nə tesə wɛŋ. Bum sè bəboŋ pwe' vè mègù bohòyi. Yi à to wɛŋ ŋgòkè tse' kəkukse' ye mamòk bùu Jisòs Krɛst. Yi Nwì nə bə tu yee nə gʊ tsərə wɛŋ bə nsàp yu yà lòŋ. Yi nə kə te' lokoksə wɛŋ bə ɲàŋ, nə tes wɛŋ mʊmʊwe' kùum sè gʊgʊŋ ya wèŋ təəŋ gʊgʊŋ. ¹¹ Nàaŋ ŋkum yee cum mali gu sè ye. Yà'a ye vɛ'nə.

Ncèp Nè Nà' Lèsə

¹² Mù còm fa wɛŋ mʊŋwàk ènə ŋga tesə mʊ Sivanù. Mù riŋtse' də yi ŋwə nè yi bɛ'gè mandzè Krɛst bə zìnə ye pwe'. Mù còm ŋwàk ènə ŋgòkwɛ'sə wɛŋ ya wèŋ təəŋ gʊgʊŋ. Bum sè mù còm tsè' wɛŋ pwe', a bum sè Nwì bə zìnə. Fana wèŋ kotse' bum yè'sə cùk. ¹³ Cos nè mʊwe' lak Babilòn fɛɛŋ, nè Nwì a cokfis wo co yi à cokfis wɛŋ nə, cèpsə wɛŋ bəboŋ. Mo àm Mak cèpsə wɛŋ sè' bəboŋ. ¹⁴ Wèŋ cèpsə mòk bə mòk bə nsàp cècèpsə nè nà' sə nitsè' dzədzəm. Wèŋ sè wèŋ bùu sè Krɛst pwe', fifi ye bohòwɛŋ.

Nwàk Nwì Ma Rùk Nè Fi
New Testament in Yamba

copyright © 2011 Wycliffe Bible Translators, Inc.

Language: (Yamba)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 22 Feb 2024 from source
files dated 29 Jan 2022

c475d5b3-da44-51cf-93ca-f255b72fe481